



Upa Mipeem Mirang caa cawnnak Prokarem hmangin Mirang caa cawng (Adult Migrant English Program)

The Adult Migrant English Program

Mirang holh cu Australia ram pumpi hmanmi holh a si. Australia a ummi minung hna nih holh tampi an chim kho ko, asinain Mirang holh theihnak le holh khawhnak nih Australia rammi nunnak chungah a dih umnak in teltum khawhnak an bawmh lai. Mirang holh lo in cun, Australia rammi sinak hmuh, a biapi ngaimi rian pawl ah luh le mah tein a cawlcang khomi si dingah naa harh ngai lai.

Mirang Caa cawnnak bawmh dingah Adult Migrant English Program (AMEP) ah na kai kho.

AMEP cu zeidah a si?

AMEP cu Australia cozah (Australian Government) nih tangka a bawmh i mipem pawl le hawi dang minung cungah zawnruahnak a ngeimi riantuannak nih bawmhmi pawl si khawhnak dingah suimilam 510 tiang a lak in Mirang holh cawnnak tuah piakmi a si. Zungzal umnak visa asilole chikkhat umnak visa peek na si i Mirang holh tlawmpal na thiam asilole na thiam lo ahcun AMEP ah a cawng khomi na si. Mipem mino pawl cheukhat kum 15 le 17 karlak pawl zong cawn khawh a si.

AMEP khaan chungah, Mirang holh thiamnak pawl le Australia minung kong thawngthanhnak na cawng lai. A dang a phan tharmi na ton hna lai i hawikom thar ah na ser khawh men hna lai. Australia ah nangmah le na innchungkhar tlamtling tein umhmunkhuar dingah hi pawl nih hin hmunkhat tein an bawmh lai. Australia ah riantuan na duh ahcun Mirang holh thiamnak pawl cu a biapi tuk fawn.

AMEP cu hnatlak pi nak a ngeimi riantuan piaktu pawl nih an hruai lai i holh dang a hmangmi pawl Mirang caa chim dingin cawnnak a ngeimi cachimtu pawl nih chimh a si.

Zeitindah minkhumhnak ka tuah lai?

AMEP hmangin Mirang holh cawnnak cusin kai khawhnak dingah, Australia na phak thla ruk chung asilole visa thawknak in AMEP i riantuan piaktu hnatlakpinak he minkhumhnak na tuah hrimhrim lai. Australia na phak thla 12 chungah asilole na visa thawknak in Mirang caa cawn hram na thawk hrimhrim lai.

Australia na phak ni asilole visa thawknak ni in AMEP hmangin Mirang caa cawn dingah kum nga na ngei. Na herhmi pawl cungah hngat in cawnnak ngeih chap dingmi na si kho.

Nangmah caah a tha bik a si khomi a phichuak ngah khawhnak bawmh dingah na herhmi pawl he a keih bikmi cawnnak thim dingah riantuan piaktu nih an bawmh lai. Caan tling le caan tlawmpal kaimi tiin caan dang cio le hmun dang cio ah cawnnak a um i nangmah caah aa keihmi caan le hmun ah na cawn khawh.

Cusin kainak hmun pawl

Na herhmi pawl tha deuhin ngah khawhnak dingah AMEP i riantuan piaktu nih cusin kainak hmun hnih chung ah thim dingah an bawmh lai:

- Riantuannak lei he aa pehtlaimi Mirang holh cawnnak hmun- riantuannak hmun ah tel khawh dingin a herh mi Mirang holh ngah a duh mi pawl caah, asilole rinhchan awk a tlakmi rian lei ah hruai khomi cawnnak ngeih chap a duhmi pawl caah.
- Zapi he pehtlaihna lei Mirang holh cawnnak- zapi he um ti nak ah i teltum ding in bawmh an i zuamnak, biaruah tik i hmanmi Mirang holh thanchoter le an umnak mibu chungah mah tein nun khawh dingah mah le mah zumhnak ngeih a duhmi pawl caah.

Suimilam 510 cawnnak nawl na ngeihmi chung ah cusin kai asilole a pahnih fonh in maw pakhat paoh na hman khawh.

I hrawmtonhmi tuah awk tavuan lei i a herhmi pawl he bawmhnaak tangka peekmi a ngahmi pawl cu zapi he pehtlaihna lei Mirang holh cawnnak nawl an ngei lo.

Sianginn khan ah ka kal khawh lo ahcun zeitindah a si lai?

Nan sianginn khan ah na kal khawh lo ahcun AMEP i rian an tuan piaktu sin ah chim. Riantuan piaktu nih inn i cachimtu he asilole AMEP i cachimtu bawmhnaak in lamhla cawnnak awnlai he Mirang ca cawn dingah an bawmh khawh men.

www.amepdl.net.au. ah mah tein cawlcangh cawnnak thencheumi pawl AMEP hmannaak in nangmah te cawlcanghnaak in na cawn khawh fawn. Hi cawnnak pawl cu aho paoh (AMEP i a cawngmi ca lawngah a si lo) caah a si i Mirang caa cawnnak bawmh dingah a si.

AMEP nih a ngeih chinmi prokarem pawl

A hlei in herhmi na ngeih ahcun cusin kai chap ding na si men lai.

A hlei in Timh chungnak Prokarem (Special Preparatory Program)

Special Preparatory Program nih a har ngaimi mipeem sinak ngeih hlan deuh i hmuhton pawl le sianginn tha thi in rak kai lonak he hawi dang minung cungah zawnruahnak a ngeimi riantuannak nih bawmhmi pawl si khawhnak dingah bawmhna le chapmi suimilam pawl a peek.

Riantuannak le Cawnnak lei ah Holh Remhchunnak Lam pawl (Settlement Language Pathways to Employment and Training)

Settlement Language Pathways to Employment and Training (SLPET) nih Australia riantuannak hmun i nunphung le phungphai pawl he tha tein hngalhnak ngah lio ah a hlei in rian he aa pehtlaimi Mirang holh cawn dingah a bawmtu rian lei he aa pehtlaimi papek cawnnak nawl a ngeimi siangngakchia pawl kha a peek hna.

SLPET nih aa dangmi sehzung pawl ah rian he aa pehtlaimi hmuhtonak dingah tuan chung mi rian caah suimilam 80 telhchih in a hlei in rian he aa pehtlaimi Mirang holh cawnnak cusin caah chapmi suimilam 200 tiang a peek.

AMEP nih a kauhchapmi (AMEP Extend)

Suimilam 510 cawnnak nawl a ngei i a dih cangmi Mirang holh thiam dingin tinh piakmi a phan kho lo mi siangngakchia pawl cawn khawh than dingin cusin cawnchap ding suimilam 490 tiang AMEP Extend prokarem nih a bawmh.

AMEP ngakchia zohkhenh piaknak(AEMP child care)

Mirang holh cawnnak na kai lio ah na fale caah a lak in ngakchia zohkhenh piaknak cu AMEP rian an tuan piaktu nih an tawlrel piak kho. A lak in ngakchia zohkhenh piaknak cu sianginn kai a za rih lomi ngakchia pawl ca lawngah a si.

AMEP lam hruainak (AMEP pathway guidance)

AMEP i riantuan piaktu pawl nih tinhmi ngeih ding, na cusin, hmailei fimcawnnak le rian hmuhnak lam tha pawl he pehtlai in biakhiahnak tuah ding le naa thimmi pawl fian ding ah an bawmtu lam hruainak a peek.

Thawngthanhnak tam deuh hmuh khawhnak caah

AMEP	Pehtlainnak dikthlir
Fawn:	13 38 73
AMEP Vuapsaih	www.education.gov.au/amep
Imel:	skilling@education.gov.au
Mirang holh si loin a dang holh pawl kong thawngthanhnak	www.education.gov.au/amep-information-other-languages
Khoika dah Mirang caa ka cawn khawh lai? AMEP i riantuan piaktu pawl le cawnnak hmun pawl	www.education.gov.au/adult-migrant-english-program-service-providers
AMEP awnlai	www.amepdl.net.au
